

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25, 69. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), član 5. Odluke o izvršavanju Budžeta Općine Centar Sarajevo za 2025. godinu („Službene novine Kantona Sarajevo“ broj: 6/25), člana 4. Odluke o proglašenju boračkih udruženja od posebnog interesa i društvenog značaja za Općinu Centar Sarajevo („Službene novine Kantona Sarajevo“ broj: 2/24 i 6/25) i Odjeljka B tačka 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) , Općinski načelnik raspisuje:

**JAVNI POZIV
ZA FINANSIRANJE/SUFINANSIRANJE PROJEKATA BORAČKIH UDRUŽENJA OD
POSEBNOG INTERESA I DRUŠTVENOG ZNAČAJA ZA OPĆINU CENTAR SARAJEVO I
DRUGIH BORAČKIH UDRUŽENJA SA PODRUČJA OPĆINE CENTAR SARAJEVO IZ
BUDŽETA OPĆINE CENTAR SARAJEVO U 2025. GODINI**

1. PREDMET JAVNOG POZIVA

Predmet ovog Javnog poziva je dodjela novčanih sredstava iz Budžeta Općine Centar Sarajevo za 2025. godinu, za finansiranje/sufinansiranje projekata boračkih udruženja od posebnog interesa i društvenog značaja za Općinu Centar Sarajevo i drugih boračkih udruženja sa područja Općine Centar Sarajevo .

2. FINANSIJSKA SREDSTVA

Sredstva za finansiranje/sufinansiranje projekata boračkih udruženja od posebnog interesa i društvenog značaja za Općinu Centar Sarajevo i drugih boračkih udruženja sa područja Općine Centar Sarajevo raspoređivat će se u skladu sa odredbama Odluke o proglašenju boračkih udruženja od posebnog interesa i društvenog značaja za Općinu Centar Sarajevo („Službene novine Kantona Sarajevo“ broj: 2/24 i 6/25) sa budžetske pozicije:

- 614311-70- tekući transferi neprofitnim organizacijama grant boračkim organizacijama;

Ukupan iznos planiranih sredstava u Budžetu Općine Centar Sarajevo za 2025. godinu iznosi 353.000,00 KM.

Minimalan iznos koji se može odobriti za finansiranje projekta iznosi 2.000,00 KM.
Maksimalan iznos koji se može odobriti za finansiranje projekta iznosi 20.000,00 KM.

Udruženja koja okupljaju boračku populaciju za finansiranje/sufinansiranje odobrenih projekata, a u toku tekuće kalendarske godine, mogu dobiti sredstva do maksimalno 65.000,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju propisane kriterije, kao i da koriguje predložene Budžete boračkih Organizacija u skladu sa raspoloživim sredstvima i zakonskom okviru za implementaciju projekata.

Udruženjima kojima se odobre sredstva za realizaciju projekata, mogu za materijalne troškove koristiti sredstva u iznosu od 35% od ukupno odobrenih sredstava.

3. CILJ JAVNOG POZIVA

Cilj dodjele novčanih sredstava boračkim udruženjima od posebnog interesa i društvenog značaja za Općinu Centar Sarajevo i drugim boračkim udruženjima sa područja općine Centar Sarajevo je doprinos implementaciji zakonskih propisa iz oblasti boračko invalidske zaštite kao i unaprjeđenje statusa boračke populacije u društvu.

4. UVJETI ZA OSTVARIVANJE PRAVA NA FINANSIRANJE/SUFINANSIRANJE PROJEKATA

- **Pravo na finansiranje/sufinansiranje projekata udruženja boračke populacije imaju:**
 - Udruženja proglašena od posebnog interesa i društvenog značaja za Općinu Centar Sarajevo, a u skladu sa Odlukom o proglašenju boračkih udruženja od posebnog interesa i društvenog značaja za Općinu Centar Sarajevo („Službene novine Kantona Sarajevo“ broj: 2/24 i 6/25)
 - Udruženja koja okupljaju boračku populaciju sa područja općine Centar Sarajevo, a nemaju status udruženja od posebnog interesa i društvenog značaja za Općinu Centar Sarajevo ukoliko provode aktivnosti navedene u Odluci u članu 1.
- **Uslovi za dodjelu sredstava za finansiranje/sufinansiranje projekata udruženja boračke populacije su:**
 - Opći uvjeti koje udruženja trebaju ispuniti:
 - a) Posjedovanje Rješenja o registraciji udruženja (Ministarstvo pravde);
 - b) Uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava Općine Centar Sarajevo (ili po osnovu ranije dodijeljenih sredstava, ako nisu zaključivali ugovore);
 - c) Uredno ispunjavanje obaveza poreza i doprinosa;
 - d) Ovjerenu izjavu u općini da se protiv podnosioca prijave/lica ovlaštenog za zastupanje udruženja, ne vodi krivični postupak i da nije pravosnažno osuđen za počinjenje krivičnog djela (Služba za boračko invalidsku i socijalnu zaštitu će po potrebi, službenim putem od nadležnog organa pribaviti Uvjerenje o nekažnjavanju i nevođenju krivičnog postupka);
 - e) Izvještaj o radu Udruženja za prethodnu godinu (usvojen od strane Skupštine);
 - f) Način finansiranja udruženja iz drugih izvora sa drugih nivoa vlasti (navesti u prijavnom obrascu);
 - g) Program rada za tekuću godinu sa finansijskim planom i obrazloženjem (usvojen od strane Skupštine);
 - h) Bilans stanja i bilans uspjeha za prethodnu godinu (FIA);
 - i) Zbirni finansijski izvještaj o ostvarenim ukupnim prihodima i rashodima u toku budžetske godine (navesti prihode iz drugih izvora);
 - j) Broj članova Udruženja (ažurirani spiskovi iz prethodne godine);
 - k) Reference, mišljenja, pohvale i efekti od ranije realizovanih projekata (Izvještaj Komisije za nadzor i koordinaciju).
 - Posebni uvjeti obuhvataju:

- a) Organizacijske i finansijske kapacitete podnosioca prijave;
- b) Dosadašnje iskustvo podnosioca prijave u provođenju aktivnosti (izvještaji, reference, mišljenja, broj korisnika obuhvaćen projektima);
- c) Kvalitet planiranih aktivnosti – (efekti projekta sa aspekta koji su evidentni i mjerljivi na kategoriji koju zastupa – analize i izvještaji udruženja, ankete – zadovoljstvo korisnika – pripadnika boračke populacije i dr.)
- d) Rezultati koji se očekuju od provođenja programa/aktivnosti koji doprinose zaštiti interesa boračke kategorije;
- e) Broj korisnika obuhvaćen projektima (lista potpisnika korisnika projekata);
- f) Drugi posebni uvjeti prema elementima sadržanim u obrascu za podnošenje zahtjeva.

5. POTREBNA DOKUMENTACIJA

Podnosioci prijave na Javni poziv za dodjelu sredstava za finansiranje/sufinansiranje projekata udruženja boračke populacije dužni su dostaviti slijedeću dokumentaciju:

- a) Popunjen, potpisan i ovjeren prijavni obrazac za finansiranje programa/aktivnosti koji se preuzima na web stranici Općine Centar Sarajevo ili na info punktu Općine;
- b) Rješenje o registraciji udruženja od nadležnog organa sa zadnjim izmjenama podataka ne starije od 30 dana od dana podnošenja prijave na Javni poziv;
- c) Statut udruženja;
- d) Ovjerena fotokopija uvjerenja o poreznoj registraciji (ID broj), ne starija od 3 mjeseca;
- e) Uvjerenje o izmirenim poreskim obavezama ne starije od 30 dana od dana objavljivanja Javnog poziva za dostavljanje zahtjeva za finansiranje;
- f) Uvjerenje o izmirenim porezima i doprinosima za zaposlenike (ukoliko ima zaposlenika) ne starije od 30 dana od dana objavljivanja Javnog poziva za podnošenje zahtjeva za finansiranje (ukoliko nema zaposlenih dostaviti ovjerenu izjavu);
- g) Ovjerena izjava da se protiv podnosioca prijave, odnosno lica ovlaštenog za zastupanje ne vodi krivični postupak i da nije pravosnažno osuđen za počinjenje krivičnog djela;
- h) Bilans stanja i bilans uspjeha za prethodnu godinu (FIA);
- i) Zbirni finansijski izvještaj o ostvarenim ukupnim prihodima i rashodima u toku budžetske godine (navesti prihode iz drugih izvora);
- j) Dokaz o dostavljenim finansijskim izvještajima o utrošku sredstava;
- k) Program rada za godinu za koju se podnosi zahtjev za finansiranje aktivnosti koji sadrži plan/program i vremensku dinamiku planiranih aktivnosti (opis djelovanja i realizacije projekata, ciljevi i očekivani rezultati sa specifikacijom troškova – finansijska konstrukcija, ime osobe odgovorne za realizaciju projekata);
- l) Izjavu odgovornog lica Udruženja da je Udruženje u skladu sa Statutom Udruženja redovno održavalo Skupštine Udruženja (izjava se preuzima na web stranici Općine Centar);
- m) Dokaz o aktivnom transakcijskom računu;
- n) Dokaz da Udruženje nema dugovanja prema Općini Centar Sarajevo (uvjerenje nadležne Službe- pribavlja se službenim putem);
- o) Druga dokumentacija koja se po potrebi dostavlja Službi za boračko-invalidsku i socijalnu zaštitu;

6. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen u dnevnim novinama, na oglasnoj ploči Općini Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren 30 (trideset) dana od dana objavljivanja.

Prijave/zahtjevi sa kompletnom dokumentacijom podnose se na protokolu Općine Centar Sarajevo, svakim radnim danom od 07.30 do 16.00 sati ili putem pošte na adresu: Općina Centar

Sarajevo, Služba za boračko invalidsku i socijalnu zaštitu- Odsjek za boračko invalidsku zaštitu, ulica Miss Irbina broj 1, u zatvorenoj koverti **(NE OTVARATI)**

Nadležna služba za boračko invalidsku zaštitu će prijave na javni poziv proslijediti Komisiji za odabir i evaluaciju projekata, koja utvrđuje Prijedlog Odluke o dodjeli sredstava za finansiranje projekata i isti dostavlja Općinskom načelniku na razmatranje i saglasnost. Općinski načelnik donosi Odluku o dodjeli sredstava za finansiranje/ sufinansiranje projekata udruženja koja okupljaju boračku populaciju.

Sve dodatne informacije mogu se dobiti u Službi za boračko-invalidsku i socijalnu zaštitu - Odsjek za boračko invalidsku zaštitu Općine Centar Sarajevo, soba 31/prizemlje ili na mail: biz@centar.ba.

NAPOMENA:

U cilju sprječavanja sukoba interesa osoba uključenih u postupak dodjele sredstava za finansiranje/sufinansiranje projekata udruženja boračke populacije, svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave /zahtjeva, a podnosioci istih imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno o svakoj prijavi.

Općinski načelnik

Srđan Mandić